

主 编 杨世钰 赵寅松

本篇主编 郭惠青 李 公

大理丛书·方志篇

卷八



大理白族自治州白族文化研究所 编

民族出版社

主 编 杨世钰 赵寅松
本篇主编 郭惠青 李 公
副主编 杨光复

大理丛书·方志篇 卷八

大理白族自治州白族文化研究所 编

 民族出版社

目 录

卷 八

〔光绪〕浪穹县志略	〔清〕周 沅	一
鹤庆县卷		一七一
鹤庆县卷说明		一七一
〔康熙〕鹤庆府志	〔清〕佟 镇、李倬云、邹启孟	一七三
〔光绪〕鹤庆州志	〔清〕杨金和、杨金铠	三五七

浪穹志紅水孤旌旌一色可應相於
子矣未則未與主人所初而承也

大理守長沙羅漢漢撰並誌



浪穹縣志畧

序

三

浪穹縣志畧序

浪穹，滇西小邑也。滇去

京師萬里，浪穹去滇且千里也。僻在一隅，曩列六詔，疑若無可紀也。然峯有羅坪，點蒼脈也。湖有此碧，洱水源也。地雖瘠而足耕，民雖貧而能讀。紹唐魏勤儉之遺，比中州文物之盛，正未得以荒遠譏也。壬寅秋，予適攝篆斯土，江山如故，城郭已非，為訪讓

浪穹縣志畧

序

四

帝潛蹤，潁川舊跡，應猶有存也。亟求志乘，考證之。縣志創於明神宗時，邑人何君邦漸，迨康熙間，李君崇階續修。舊本已邈，不可得也。即道光中，蜀慶符樊君肇新重纂者，劫火殘灰，藏於魯壁，亦僅矣。迄今有六十年也。其民情俗尚，土宜人物及學校田賦水利諸大端，損益攸殊，因革互異。況兵燹後，邑之以忠顯，以節著，以孝義稱，尤不

乏人若聽其湮沒於蔓草荒煙絕不過問恐遲之又久不惟無以傳信直將無以傳疑也此固邑賢士大夫憂也而有司與有責焉爰集紳衆謀之二三有心人輒詠譎鼓舞力贊其成有難之者曰必糜數千金也必需三五年也款無出時不待也予聽其議憚其勞且五日京兆何為也幾幾乎中輟矣繼思志者記也記其事也事之載

浪穹縣志畧

序

五

在舊志殘者補之訛者正之蕪者汰之疑者闕之其所未及見者裒益而編次之志已畢修矣今所為乃因也非創也乃輯也非纂也似易易也奚若是其難也予不敏敢避其難者任其易者且請於上台重其事以治公暇取邑諸生採訪所及刪繁就簡削謠存真弗諛弗誣也釐為十三卷分十一門區四十一類附見於各類者又有

十二子目字數增於舊十之五其讀法經費則凡例言之詳也昔樊君成於道光壬寅予始於光緒壬寅何數之巧合非偶然也雖然予豈好事耶顧知一邑事大懼無以知一邑事也是編出能信於今否也能裨於後否也亦未始非考獻徵文之一助也略云乎哉是為序

光緒二十九年癸卯仲秋洱源署令苴蘭

浪穹縣志畧

序

六

周沆撰於退思補過之軒



重修縣志序

邑志自道光壬寅，前邑侯樊公續修後，迄今已六十年。中經兵燹，板燬無存。矧其間萬有不齊之故，月異歲增，誠宜重緝善本，以信今而傳後。率因循未果者，以無兼循吏良史其人，任其事而董其成耳。光緒壬寅九月，

邑侯遵義周公，以名進士來治縣，潔已愛

浪穹縣志畧

序

七

民。凡教養之原，靡弗畢舉。培學校，課農桑，疏濬河渠，皆其彰彰者。於是政成人和，迺與邑人士議修邑志。僉曰：願執鉛槧，以脩諮訪。若作史三長，非

公莫屬。敬以請。

公亦退然曰：固予責也。不敢以不文辭。乃上徵通志，下採遺篇，參互折衷，務歸至當。其有裨風化者，必廣為蒐錄。至所可略則

略之。經始於癸卯二月七，閱月而稿脫。此七月中，蓋不知心力幾瘁矣。又慮剗剗資乏，慨捐百金以倡。古人云：善作不必善成，豈篤論乎？邑人士德

公此舉，備臚治蹟，并述新纂之志，體例謹嚴，深得史法，不遠千里，郵書命紀其實。惟浪邑今日當修者，大端有二：曰河，曰志。河繫民生，志關政本也。

浪穹縣志畧

序

八

公甫蒞任，即督修縣境旱河、鳳羽河諸水，力除其害。惟恐不先，且從撫字之暇，編緝是書。俾一邑典章燦然大備，非所謂實心任事而又能以循吏兼良史者歟？況乎邑既有志，後之父母斯民者，藉以考政刑之得失，閭閻之利害，因地制宜，益善施其教養焉，則吾民之食惠方長矣。故樂為之序。邑人馬金墀撰於蒙自學解之修道堂。

浪穹縣志畧

鑒定

雲南大理府知府羅瀛美

纂輯

寶戴花翎同知銜署大理府浪穹縣事進士截取知縣周沆

參閱

特授浪穹縣儒學教諭周學夔

總校

特授浪穹縣儒學訓導喻思禹

分校

浪穹縣志畧

一

己丑恩科舉人楊志伊

癸巳恩科舉人楊振家

癸巳恩科舉人楊復

甲午恩科舉人姚思敬

丁酉科拔貢趙鯤

丁酉科拔貢趙鯨

候選訓導歲貢高輔齋

採訪

候選直隸州分州恩貢楊勳

五品軍功分州職銜馬汝誠

五品軍功縣丞職銜候選訓導歲貢杜兆魁

縣丞職銜候選訓導歲貢楊斌

候選訓導歲貢楊富穀

候選訓導歲貢施履泰

候選訓導歲貢施世銓

候選訓導歲貢王秉衡

候選訓導歲貢楊澤溥

儒學廩生李輝鄴

儒學廩生李嘉謨

儒學廩生楊德雋

浪穹縣志畧

二

儒學廩生楊璠

府學廩生楊炳德

儒學廩生王家興

儒學廩生呂魯豐

府學廩生楊維翰

儒學廩生李蕃

儒學廩生張德培

儒學廩生趙用中

儒學廩生周棠泰

儒學廩生趙紹炳

儒	學	生	員	施際唐
繪圖				
儒	學	廩	生	董有賢
浪穹縣志畧				
三				

浪穹縣志畧卷首		知縣周 沆纂輯
凡例		
一縣志創於明萬厯間，邑人何邦漸纂。至康熙間，邑人李崇階續修。道光二十二年，知縣樊肇新重輯。樊志體例周詳，頗稱善本。然不無訛漏。迄今又數十年矣，中經兵燹，事實較多，爰為訂謫補闕。續所未載者，都十三卷，分十一門，四一類。其附見於各類者，又有十二子目。		
一縣志何邦漸、李崇階纂修者，佚矣。故徵文考獻，必以一縣志為衡。然亦碎壁散金，幾無全帙。是編凡樊志所載者，則加以舊志字，不必區其為何李，非詳近畧遠昭慎也。		
一志者，記也。記一邑之事也。最忌橫使議論，妄參己見。是編所徵引處，倣雲南通志稿例，詳載見於某書，非誇博洽，懼其不信無徵也。其續增者，則加採訪字，間有發明，以謹案，雙行別之。		
一天文分野之說，愈穿鑿愈支離矣。原擬不載。因樊志謂當井宿分度五諸侯之一，力闢舊志狼弧之謬。其說折衷於黃道赤道間，參詳於經度緯度際，亦似有		
浪穹縣志畧		凡例
一		

所見者仍列於篇以資考據氣候舊無祥異列入雜誌悉補正之并繪星圖於卷首

一地理分輿圖疆域山川村屯風俗物產輿圖開方計里遵新修雲南通志稿式而加密焉疆域以現在四至爲率與舊志郡志一統志頗有出入其形勢亦扼要紀之山川終古不易也而舊志所載僅列其名只註明去治幾里殊多疏漏爰爲提綱分目使脈絡支派不致混淆村屯爲簿書期會所不可不知風俗則輶軒採問所不能不達均得備載物產樊志殊畧今取見於載籍者箋釋之其爲各處統同則僅彙紀於浪穹縣志畧

凡例

一一

後。

一建置沿革則斷自西漢若三代荒遠疑於附會從畧焉他如城池公署關哨塘舖津梁均區別彙次之一賦役首重田賦考樊志所載實征頃畝已與國初經制冊不符今又不逮道光中遠甚蓋前困水災後經兵燹故也至條編丁差折色等項載在賦役全書名目繁多且有昔有今無昔無今有者謹就光緒九年躡丈及起解案冊爲准歸簡要期核實也戶口課程經費積貯附入焉至水利一門尤爲浪穹要務茲參酌時宜損益舊志分晰載入不厭求詳間有與山川

重複處然窮源竟委取條舉以爲留心疏濬者告

一學校曰廟學凡學官之新造修葺必詳必紀樊志闕入丁祭譜殊嫌蕪雜謹芟之而附以學額貢例學田志書院義學者亦以覘作育之基人文之起也

一祠祀典祀則垂爲功令有司以時致祭也羣祀則民間祈年祝

國自相報賽不悖於禮也寺觀雖無足重輕亦必登諸簡冊俾居其地者得以考其名焉

一秩官知縣教諭訓導典史均得題名惟浪穹自兵燹後案卷無存歷任各官其籍貫多不可考茲紀其足

浪穹縣志畧

凡例

三

徵者武職舊闕如仍之樊志有名宦無循吏謹分別已未列祀典者釐正之土官據現存者考其世系列於篇至如山後五巡檢久隸雲龍則削而不書

一選舉曰薦辟曰科甲而以恩拔副歲優附自明迄今俾無挂漏迨前光卽以詔後學也

一人物浪穹人物表表者不多概見然勵名砥節代有其人尤不僅以偏端曲行著爲分其類曰鄉賢曰卓行曰忠義曰孝友曰文學曰宦蹟曰寓賢曰仙釋曰列女必考其生平詳載事跡不容濫亦不容刻

一藝文記興廢之由著山川之勝以及可資獎勵者皆

廣爲蒐輯，以備觀覽。其他著作，則有專集，在茲不必具錄。

一雜志，有不能分列各類，而無所專屬者，隸焉。曰種人，是編無蠻夷志，又未便羈入土官中，故另立專門，而以方言繫曰古蹟，或其景猶新，或其人以往，而其蹟固存也，因附之以勝覽。塚墓坊表，曰軼事異聞，亦紀其可以風世者。教堂，中外交涉所關也，尤不可不載。一編中薈萃羣書，原本舊志，信矣。詳矣。兵燹後，網散搜遺，得存梗概者，爲邑故歲貢生楊國喬所採，前任吾鄉陳文錦大令錄存也。亟表出之，不敢攘美前人。

浪穹縣志畧

凡例

四

一是編名浪穹縣志畧，其有關於因革損益之原，治亂得失之故，雖細必錄，似非畧也。然以畧名，恐不免耳後之博雅君子，哀集而審訂之，是所厚幸云。

一經費，約需五百餘金，悉自署中籌撥，不請款，知細於帑，也不攤派，慮擾及民也。拔貢趙鯤、趙鯨、廩生楊德雋，共集銀壹百伍拾兩，雖因事相助，不沒其善也。

浪穹縣志畧目錄

天文志卷一

分野星圖氣候附

祥異

地理志卷二

輿圖

疆域形勢附

山川

村屯

風俗

浪穹縣志畧

目錄

一

物產

建置志卷三

沿革

城池

官署

關哨塘鋪

津梁

賦役志卷四

田賦戶口積貯課程經費附

水利

學校志卷五

廟學學額貢例學田附

書院義學

祠祀志卷六

典祀

羣祀

寺觀

秩官志卷七

官制題名

名宦

浪穹縣志畧

目錄

一一

循吏

土官

選舉志卷八

徵辟

甲科

恩拔副歲優附

人物志卷九

鄉賢

卓行

忠義

孝友

文學

宦績

寓賢

仙釋

人物志卷十

列女

藝文志卷十一

雜體文

藝文志卷十二

雜體詩

浪穹縣志畧

目錄

三

雜志卷十三

種人

古蹟


勝覽冢墓坊表附

教堂

軼事異聞

星圖

浪穹縣志畧



浪穹縣志畧卷一

知縣周 沆纂輯

天文志

分野

周天三百六十度，包大地而外，若盡以中國當之，謬矣。卽謂以氣分，不以形分說，似可通，究亦愴恍無據。然志乘有分野一門，故事相沿，未可遽刪也。舊志所載，頗有折衷，可備推測，仍謹列焉。志分野。

舊志并宿分度，當五諸侯之一。

夫星壤之說，難於考信，折衷於古，不若測驗於今之

浪穹縣志畧

卷一

一

爲得也。前康熙年間，續修大理府志，本唐一行天狼星在江河上流，又西之說，作者更折而衷之，定大理分野於狼弧之間，北當井度，可謂詳核。然遠省邊郡之見，乃其得間先入之根，定井宿分度之位，卽以其微外之星當之，其得失蓋相半也。

國朝大學士李文貞曰：中國九州，正當黃道北軌，赤道二十三度之外，起於廣州，夏至戴日之下。今大理浪穹，亦是夏至戴日，是其緯度俱當日軌也。天狼弧在赤道之南，距夏至日軌遠甚，星野何由相及乎？

師製數理精蘊：周天經緯分度，則雲南省城緯度較廣州

南下一度，偏西十三度。凡隸省郡縣，無不可按省城晷景交推而互視焉。大理度較省城上而北，浪穹又北，其經度之偏而西者，大理浪穹同。又按步天歌，井之次有天罇星，星今無罇之上橫而列者，五諸侯也。謹取其附近者識之。南視頑狼弧矢，遠在數千里外矣。

氣候附

春冬多晴，夏秋多雨，不裘不葛，四序恆溫。至羅坪山窮巖邃谷，竟有冰雪經春不消者。

浪穹縣志畧

卷一

二

祥異

盛世不尙禎祥，洪範必言休咎。蓋天人感召，其理至微，其機至捷也。浪雖下邑，而祥異之載，在省志郡志，班班可考。謹續採哀集之，以昭鑒戒。若荒誕無稽者，則削而不書，紀實也。志祥異。

明宏治十一年十一月朔，地震，有聲如雷，民居傾倒。

十四年八月，陰雨爲患，山奔水漲，大果新登山根等處，沖沒田地五十餘頃，居民房屋八十餘家，死者百十餘人。

萬曆三十年九月，地震自西北來，連震者三，牆屋有震

浪穹縣志畧

卷一

三

仆者，人民大驚。

國朝康熙三年甲辰，春三月，地震自西北來，連震月餘，民居多爲傾倒。

二十七年戊辰，春三月二十九日，大雪傷豆麥，折林木。

乾隆三年戊午，秋八月，彩雲現於凝山。

十六年辛未，夏五月朔，地大震，歷三十餘日，傾民居墳墓甚多。

三十三年戊子，夏六月，普陀崕白，漢澗水發，沙石填河，湖水橫流，淹田宅無數。

三十五年庚寅，水災益甚，東南北城垣盡圯。

嘉慶八年癸亥，春正月初十日夜，地大震二次。夏五月，有星晝見十餘日。秋七月，水災，城垣補修者復圯，請賑。

十一年丙寅，水災。

十三年戊辰，水災益甚，南北城垣盡圯，請賑，出田賦五百有餘石。

十七年壬申，冬夜，出白雉。

二十一年丙子，秋，大澇，禾不登，饑死者枕藉。

二十二年丁丑，夏，雨雪，秋，大旱，民復饑。

二十三年戊寅，秋八月，地大震，一日十餘次，幸不傷民

浪穹縣志畧

卷一

四

居。

二十四年己卯，夏四月，麥秀兩歧。

二十五年庚辰，大有秋。

道光元年辛巳，春二月，彩雲現於東南。

四年甲申，春二月朔，彩雲現於東南。秋八月，彩雲復現於西北。

五年乙酉，夏四月，白鶴羣至，棲止城內古松，浹旬始去。

六年丙戌，夏四月，蕎後里大雨，雹如雞卵，自浪渡邑起，至大葉坪止，麥秀被傷。

十八年戊戌，冬十月，大雪三晝夜，平地三四尺不等，林

木壓折無數。十二月二十四日辰時地震，自旦至夜皆有聲如雷。閭境民居傾倒者五六百間，男女壓斃百餘口。連日震不止，金龜山崩，煉成塢圯，高阜處皆湧黑水，經月乃歸其壑。

十九年己亥春正月初九日，地復大震。

咸豐五年己卯夏，羅坪山有白氣橫亘山半，狀若行馬，數日不散。

七年辛巳夏五月五日，有白氣連環，圍日輪三。

同治五年丙寅秋七月，蝗不成災。冬十有二月，大雪，羅坪山凍斃四十餘人。

浪穹縣志畧

卷一

五

光緒三年丁丑大有秋。

四年戊寅夏水災淹沒田數千畝，詳請給卹。

六年庚辰秋穀穗兩歧。

八年壬午秋七月蚩尤旗見。

九年癸未秋瀾茨河、鳳羽河、茆碧湖水先後潰漫為災。

淹毀田園千餘畝。

十四年戊子冬星隕如雨。

二十年甲午飢。

二十一年乙未冬十有一月，城內火災燬三十餘戶。

二十二年丙申夏疫。

二十四年戊戌歲有秋。

二十六年己亥冬十有二月，地震成災，民居傾塌百餘戶，有壓斃者。

二十八年壬寅秋七月，地微震，士登村較重成災。

二十九年癸卯春三月，廟頭村民楊蔚森家牛生雙犢。

浪穹縣志畧

卷一

六

浪穹縣志畧

浪穹縣志畧

浪穹縣志畧卷二

知縣周 沆纂輯

地理志

疆域

浪穹合施澄舊稱三浪其疆域不可得而詳考明因元制設縣猶有二十二里號大邑焉惟今昔不同廣袤各別茲實徵四至著之於篇俾吏斯土者得以按籍而稽之志疆域

《舊志》在府北一百四十里東至麗江府鶴慶州界四十里西至雲龍州界一百二十里南至鄧川州界十里

浪穹縣志畧

卷二

一

北至麗江府劍川州界六十里（謹按今只三十里）東南至鄧川州界十五里西南至永昌府永平縣界一百里東北至鶴慶州界五十五里西北至劍川州界一百二十里東西距一百四十里南北距一百二十八里雲南通志疆至省城九百七十里至京師六千八百七十五里

謹按浪穹疆域廣袤明何邦漸舊志載西至五井提舉司三百里西南至雲龍州四百里自萬歷四十二年邑紳等以山後六里懸遠名為統轄實若羈縻賦稅所入無多而浪穹徒以有二十二里之名號稱大縣先是萬歷十八年廷議正官入覲知縣李在公經兩觀之勞官民重困遂建議將山後井里割附雲龍改設流官屬詳院司經巡撫周嘉謨題准添設雲龍州知州割浪穹十二關箭桿場上五井順盪井師井